


KAB MOB SIAB B THIAB TUS ME NYUAM NOJ QAB HAUS HUV





Kab Mob Siab B yog dab tsi ?

Kab Mob Siab B yog ib hom kab mob phem heev uas nquag muaj hauv ntau lub teb chaws. Vam vam leej neeg thoob plaws ntiaj teb no muaj Kab Mob Siab B. Ntau cov tib neeg muaj Kab Mob Siab B tiام sis lawv yeej mloog tsis tau tias lawv muaj tus mob. Ib txhia neeg muaj Kab Mob Siab B kuj mloog tau tus kab mob ntawd.



Txoj kev sib tham no yog rau cov poj niam uas muaj Kab Mob Siab B thiab cev tseem xeeb tub los yog nyuam qhuav yug tau me nyuam. Kab Mob Siab B yog ib yam kev mob loj heev rau cov me nyuam mos yug tshiab. Txoj kev sib tham no yuav qhia rau koj txog Kab Mob Siab B thiab yam koj ua tau kom pab rau koj thiab koj tus me nyuam mos kom noj qab haus huv.



Ib tug poj niam yuav ua cas thiaj li paub tias nws muaj Kab Mob Siab B ?

Tas nrho cov poj niam cev xeeb tub yuav tau kev ntsuam xyuas Kab Mob Siab B thaum lawv mus ntsib ib tug kws kho mob. Yog ib tug poj niam twg tsis tau mus ntsib kws kho mob thaum nws cev xeeb tub, nws yuav raug ntsuam xyuas thaum nws mus Yug me nyuam. Tus neeg tu mob yuav tso ib qho ntshav me me ntawm tus poj niam sab caj npab coj mus ntsuam xyuas.



Ib tug me nyuam muaj tau Kab Mob Siab B li cas ?

Tus poj niam muaj Kab Mob Siab B yeej kis tau Kab Mob Siab B rau tus me nyuam thaum lub caij
nyoog yug nws. Yog ib tug me nyuam muaj Kab Mob Siab B lawm, tej zaum nws kuj yuav mob
hnyav heev thaum nws loj hlob zuj zus.



**Cov kws kho mob puas cheem tau cov me nyuam mos kom txhob muaj
Kab Mob Siab B ?**

Tau. Tas nrho cov me nyuam mos Yug hauv Teb Chaws Asmeskas yuav tau cov tshuaj txhaj los yog tshuaj tiv thaiv nruab zog cev kom tiv thaiv tau Kab Mob Siab B. Thawj koob tshuaj yuav muab txhaj rau tus me nyuam mos hauv tuam tsev kho mob thaum Yug tau nws los.



Ib tug me nyuam mos yuav txhaj pes tsawg koob tshuaj thiaj li tiv thaiv tau kom nws txhob muaj Kab Mob Siab B ?

Cov me nyuam mos yuav tsum txhaj 3 koob los yog ntau koob tshuaj Kab Mob Siab B. Koj tus me nyuam tus kws kho mob yuav qhia rau koj seb yuav txhaj pes tsawg koob tshuaj thiaj li tiv thaiv tau koj tus me nyuam kom txhob muaj Kab Mob Siab B. Koj tus kws kho mob yuav hais kom koj coj koj tus me nyuam mus rau kws kho mob ntsuam xyuas thiab mus txhaj lwm cov koob tshuaj. Qhov no yuav pab kom koj tus me nyuam noj qab haus huv.



Thaum twg koj mam li coj koj tus me nyuam mus cuag kws kho mob ?

Koj tus kws kho mob los yog tus neeg tu mob yuav qhia rau koj seb thaum twg mam li coj koj tus me nyuam mus ntsib chaw kho mob. Koj tus me nyuam yuav tsum txhaj koob tshuaj Kab Mob Siab B zaum ob rau thaum nws muaj 1 mus rau 2 hlis. Nws yog ib qho tseem ceeb heev uas koj yuav tau coj koj tus me ab tuaj txhaj koob tshuaj no. Tom qab txhaj koob tshuaj zaum ob, koj tus me nyuam yuav tau txhaj koob tshuaj zaum peb rau Kab Mob Siab B thiab. Tus kws kho mob yuav qhia rau koj seb thaum twg koj yuav tsum rov tuaj txhaj koob tshuaj ntawd. Nws puav leej yuav qhia rau koj yog koj tus me nyuam yuav tsum tau txhaj tshuaj ntxiv.



Koj puas pub tau niam mis rau koj tus me nyuam ?

Tau, koj yeej pub niam mis tau rau koj tus me nyuam. Koj yuav kis tsis tau Kab Mob Siab B rau nws los ntawm txoj kev pub niam mis.



Koj puas koom noj haus tau nrog koj tsev neeg ?

Tau, koj yeej noj mov koom tsum tau nrog rau koj tsev neeg. Koj tsev neeg yuav kis tsis tau Kab Mob Siab B los ntawm kev noj mov koom tsum nrog koj los yog kev sib qiv tais diav. Qee cov poj niam kuj nyws mov hauv qhov ncauj pub rau lawv cov me nyuam mos noj. Cov kws kho mob hais tias kom tsis txhob nyws li no. Koj tus me nyuam yuav kis tau Kab Mob Siab B los ntawm cov khoom noj uas koj twb tau muab nyws lawm.



Koj puas khawm los yog hnia tau koj tus me nyuam ?

Tau, nws yeej tsis ua li cas yog koj puag thiab hnia koj tus me nyuam. Koj yuav kis tsis tau Kab Mob Siab B rau nws yog koj khawm los yog hnia nws.



Koj yuav ua li cas koj tsev neeg thiaj li noj qab haus huv ?

Txhua tus neeg nyob rau hauv koj lub tsev yuav tsum mus ntsib kws kho mob. Qhov no txhais tau tias tsev neeg, koj cov me nyuam thiab txhua leej txhua tus uas nyob rau hauv koj lub tsev huv tib si. Tus leej txiv ntawm koj tus me nyuam yuav tsum mus ntsib kws kho mob thiab. Tus kws kho mob yuav qhia rau lawv txog txoj kev tiv thaiv Kab Mob Siab B.



Koj puas muaj lus nug dab tsi? Yog koj muaj lus nug, kuv mam li nrhiav ib tus neeg los pab txhais lus.